



Broj: 02-04-1-581-1/25
Maglaj, 15.04.2025. godine

Na osnovu člana 2.12. stav (5) Izbornog zakona BiH („Službeni glasnik BiH“, br.23/01,7/02,9/02,20/02,25/02,52/05,65/05,77/05,11/06,24/06,32/07,33/08,37/08,32/10,18/13,7/14,31/16,54/17,41/20, 38/22, 51/22, 67/22 i 24/24), člana 7. Uputstva o utvrđivanju kvalifikacija,broju,imenovanju,obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, br.31/24 i 85/24) i Odluke o objavljivanju Javnog oglasa za imenovanje jednog člana Općinske izborne komisije Maglaj broj 02-04-1-581/25 od 04.04.2025. g. Općinsko vijeće Maglaj objavljuje

JAVNI OGLAS
za imenovanje jednog člana Općinske izborne komisije Maglaj

I

Objavljuje se javni oglas za imenovanje jednog člana Općinske izborne komisije Maglaj.

II

Sastav izborne komisije je multietničan, tako da odražava zastupljenost konstitutivnih naroda, uključujući i ostale, u izbornoj jedinici za koju se organ nadležan za provođenje izbora osniva, vodeći računa o posljednjem popisu stanovništva provedenom na državnom nivou. U sastavu izborne komisije nastojat će se osigurati zastupljenost polova u skladu sa Zakonom o ravnopravnosti polova u Bosni i Hercegovini, kako je propisano odredbom člana 2.14. stav (1) Izbornog zakona BiH.

III

(1) Opći uslovi koje kandidat mora ispunjavati:

- a) da je lice sa pravom glasa
- b) da je lice sa odgovarajućom stručnom spremom

(2) Posebni uslovi koje kandidat mora ispunjavati:

- a) da ima prebivalište na području općine Maglaj,
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ECTS bodova i
- c) da posjeduje iskustvo u provođenju izbora.

(3) Pod iskustvom u provođenju izbora podrazumijeva se:

- a) članstvo u izbornoj komisiji
- b) članstvo u biračkom odboru na izborima za organe vlasti u BiH
- c) obavljanje dužnosti sekretara izborne komisije
- d) obavljanje poslova službenika centra za birački spisak
- e) obavljanje poslova kontrolora izbornih rezultata
- f) obavljanje rukovodnih dužnosti u Glavnom centru za brojanje (direktor i zamjenik direktora)
- g) obavljanje poslova državnog službenika ili zaposlenika u Sekretarijatu Centralne

izborne komisije BiH na poslovima koji su vezani za provedbu izbornog procesa u trajanju dužem od jedne godine.

Izuzetno od odredbe iz člana 2. stav (1) tačka a) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 31/24 i 85/24), u općinama koje imaju do 3000 upisanih birača, član izborne komisije može biti lice sa prebivalištem iz druge susjedne općine, ukoliko u općini za koju se imenuje izborna komisija, nema prijavljenih kandidata koji ispunjavaju uslove tražene javnim oglasom, a radi primjene člana 2.14 stav (1) Izbornog zakona BiH, vodeći računa o posljednjem popisu stanovništva.

Izuzetno od odredbe iz člana 2. stav (1) tačka b) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 31/24 i 85/24), član izborne komisije može biti lice koje ima završenu srednju/višu školu, odnosno IV/V/VI stepen stručne spreme ukoliko se radi o općini koja ima manje od 3000 birača upisanih u Centralni birački spisak ili se radi o ponovnom izboru (reimenovanju) člana izborne komisije odnosno ako je potrebno ispoštovati odredbe člana 2.14 stav (1) Izbornog zakona BiH.

Nosioci pravosudnih funkcija izuzimaju se od obaveze dostavljanja dokaza o posjedovanju izbornog iskustva iz člana 2 stav (1) tačka c) i stava (2) Uputstva.

IV

Član Općinske izborne komisije može biti predsjednik ili sudija redovnog suda, pravobranilac, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2 Izbornog zakona BiH, a nemaju smetnji iz člana 2.3 Izbornog zakona BiH.

Za člana Općinske izborne komisije ne može biti imenovano lice obuhvaćeno članom 2.3 i 2.12 stav (7) Izbornog zakona BiH, kao ni lice koje obavlja izvršnu funkciju, u smislu člana 1.1a Izbornog zakona BiH, niti lice koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

Kandidat za člana izborne komisije, u statusu službenika ili zaposlenika na radnom mjestu u organu uprave nema smetnji za imenovanje za člana izborne komisije, pod uslovom da ispunjava uslove iz člana 2.2 Izbornog zakona BiH, a nema smetnji iz člana 2.3 Izbornog zakona BiH.

Za člana izborne komisije ne može se imenovati osoba koja je osuđena od strane bilo kog domaćeg i međunarodnog suda za zločin genocida, zločine protiv čovječnosti ili ratne zločine.

V

Članove Općinske izborne komisije imenuje Općinsko vijeće Maglaj, uz saglasnost Centralne izborne komisije BiH.

Članovi Općinske izborne komisije ne zasnivaju radni odnos nego se imenuju na mandat u trajanju od sedam godina koji teče od dana davanja saglasnosti Centralne izborne komisije BiH na odluku o imenovanju članova Općinske izborne komisije koju donosi Općinsko vijeće Maglaj.

Članovi Općinske izborne komisije su obavezni stalno se obučavati tokom obavljanja mandata, u skladu sa Planom i programom edukacije koji donosi Centralna izborna komisija BiH.

VI

Prijava na javni oglas sadrži: prijavni obrazac sa kontakt podacima podnosioca prijave, listu dostavljenih dokumenata i svojeručni potpis podnosioca prijave, te dokumente koji dokazuju ispunjavanje uslova iz javnog oglasa i to:

1. dokaz o stručnoj spremi kandidata - ovjerenu kopiju diplome o stručnoj spremi nostrifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992. godine, u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju-priznavanje inostranih diploma,
2. dokaz o izbornom iskustvu kandidata (za člana izborne komisije akt o davanju saglasnosti Centralne izborne komisije BiH na imenovanje ili uvjerenje iz službene evidencije koje mora sadržavati podatke o nazivu izborne komisije i mandatom periodu; za članstvo u biračkom odboru/timu za otvaranje vreća uvjerenje iz službene evidencije koje mora sadržavati podatke o vrsti i godini izbora i nazivu biračkog mjesta u kojem je imenovani kandidat bio u članstvu biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost; za sekretara izborne komisije, službenika centra za birački spisak, kontrolora izbornih rezultata i dužnosti u Glavnom centru za brojanje akt o postavljenju na navedenu dužnost ili uvjerenje iz službene evidencije nadležnog organa,
3. obavještenje o prebivalištu-obrazac PBA-3 o prebivalištu (ne stariji od tri mjeseca, od dana izdavanja od strane nadležnog organa),
4. svojeručno potpisanu i od nadležnog organa ovjerenu izjavu o nacionalnom izjašnjenju sa posljednjeg popisa stanovništva provedenog u Bosni i Hercegovini,
5. svojeručno potpisanu i od nadležnog organa ovjerenu izjavu da nije obuhvaćen odredbama člana 1.7b, 2.3 i 2.12 stav (7) Izbornog zakona BiH
(Obrasci Izjave pod tačkom 4. i 5. su dostupni na internet stranici Centralne izborne komisije BiH i čini Prilog 6 i 7 Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, br. 31/24 i 85/24).

Pored naprijed navedenih dokumenata kandidati mogu priložiti i dokaz o naučnom zvanju i/ili položenom pravosudnom ispitu i/ili nosiocu pravosudne funkcije i/ili prisustvu obukama za trening trenera u organizaciji Centralne izborne komisije BiH ili o dodjeljenom priznanju Centralne izborne komisije BiH, ukoliko ih posjeduju i na osnovu kojih mogu biti dodatno bodovani.

VII

Postupak izbora kandidata provodi Komisija za provođenje postupka po Javnom oglasu za imenovanje jednog člana Općinske izborne komisije Maglaj, imenovana rješenjem Općinskog vijeća Maglaj.

Komisija provodi proceduru imenovanja članova Općinske izborne komisije, u skladu sa Uputstvom o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini.

VIII

Rok za podnošenje prijave je osam dana od dana objavljivanja javnog oglasa u dnevnom listu „Oslobođenje“.

Javni oglas će se objaviti i na internet stranici (www.maglaj.ba) i oglasnoj tabli Općine Maglaj, ali se ta objava neće računati u rokove za prijavljivanje kandidata.

Nepotpune i neblagovremene prijave neće se razmatrati.

Prijave se mogu dostaviti putem pisarnice Općine Maglaj ili putem pošte na adresu: Općinsko vijeće Maglaj, Viteška 4, 74250 Maglaj sa naznakom: „Komisija za provođenje postupka po Javnom oglasu za imenovanje jednog člana Općinske izborne komisije Maglaj“ – NE OTVARATI.

Po zatvaranju Javnog oglasa, Komisija za imenovanje jednog člana Općinske izborne komisije Maglaj će pregledati dokumentaciju, a sa kandidatima čije su prijave blagovremene i potpune, obaviti će se intervju, nakon čega će se sačiniti rang lista sa redoslijedom kandidata, prema uspjehu postignutom na intervjuu.

Predmet intervju bit će poznavanje Izbornog zakona BiH i to: nadležnost izbornih komisija i biračkog odbora, provedba izbora i zaštita izbornog prava, planiranje aktivnosti i budžet, Etički kodeks organa za provođenje izbora i Poslovnik o radu Općinske izborne komisije Maglaj. Lista pitanja za intervju sa kandidatima za članstvo u Izornoj komisiji dostupna je na www.izbori.ba.

PREDSJEDAVAJUĆA

Aida Bašić

